

## Transkription von Urkunde BRB 1392a

Ort, Datierung: Brandenburg an der Havel, 1392-01-31

Signatur: Domstiftsarchiv Brandenburg, U293

Inhalt: Heyne Dammeker: Bestätigung des Schiedsspruchs von Arnt Clot

Jk Heyne da(m)meker Borger in der Oldenstat Tu Br(a)ndeborch . vndir de(n) Twen Rechten . der /  
Arnt clot Borger in der seluen oldenstat Tu Br(a)ndeborch . Eyn Het gesprochen . van Ern Hentze(n) /  
Prostis vn(de) des cappittels Tu Br(a)ndeborch . vn(de) van des altaris sunte Johans in der par-/kerken  
Tu nowen . vnde van der Elende in der nyenstat Tu Br(a)ndeborch wegen . vn(de) Herme(n) /  
Bardeleue dat andere van vyncencius koldenborns Borgers inder seluen nyenstat Tũ / Br(a)ndeborch  
wegen . v(m)me kane(n)ty(n)s . vpper wũbelitze vȳrer sunderliker weynde Tũ vtzst / vn(de) sȳ my an  
beyden syden gebeden vn(de) Tu eyne ou(er)ma(n)ne williklyke gekoren hebben / vn(de) der Rechte  
Tu mȳ Tu eyne ou(er)ma(n)ne gegā syn . dat Beste vnde dat Rechtiste dar / vnder tu w(borden)  
vn(de) tu segghen . So Jk dȳ Beyde Rechte gesyn vn(de) gehort vn(de) ore / Rechticheyt wlkomen  
Jrfaren hebbe . so wlborde Jk vn(de) segghe . dat , dat recht . dat / Arnt clot . vndir den Twen rechten  
gesproken het . dat Beste vn(de) dat Rechtiste Js . dyt is / geschyn in der vorbenũmeden Oldenstat Tu  
Br(a)ndeb(orch) vp den parkerkhoue sũnte go/derdis Jn dem lykhuse . Jn den Jaren goddis  
dritteynhundert Jar , dar na in dem(e) / Twe vn(de) negentichsten Jare , des negesten middeweke . vor  
vnser vrowen daghe / lichtmisse Tu vesp(er)tyde . Hir synt By gewesen . dy Erliken herren . er  
nicola(us) haselov Er Jan Czuden vrytze(n) Er nicola(us) vitzenitz . vn(de) dy duchtige man dyderik  
Bogelsak . vn(de) / dȳ erliken wysen ma(n)ne Tyle clot . Heyne schulte van wsterwitz . Hans Bredow .  
/ vnde hans vruchtenicht Borge(re) in der seluen oldenstat Tu Br(a)ndeborch . des Tũ / Tuge hebbe Jk  
Heyne(n) da(m)meker vorenant myn Jngesegil hyr an laten Hengen /